

UNIVERZITET U TUZLI

Broj: 01-90-JN-8/23

Tuzla, 21.08.2023. godine

Na osnovu članova 69. stav (2) tačka d), 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-90-JN-7/23 od 21.08.2023. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine Direktor za ekonomske poslove *donio je*

## **ODLUKU**

### **o poništenju postupka javne nabavke**

#### **I**

Poništava se Konkurentski zahtjev za dostavu ponuda za nabavku i ugradnju klima uređaja za arhiv i pisarnicu Univerziteta u Tuzli iz razloga što nijedna od primljenih ponuda nije prihvatljiva.

#### **II**

Ova Odluka se objavljuje na internetskoj strani Univerziteta u Tuzli ([www.untz.ba](http://www.untz.ba)) istovremeno s upućivanjem odluke ponuđačima koji su učestvovali u postupku javne nabavke.

#### **III**

Ova Odluka stupa na snagu danom donošenja.

### **Obrazloženje**

Univerzitet u Tuzli pokrenuo je postupak javne nabavke i ugradnje klima uređaja za arhivu i pisarnicu putem Konkurentskog zahtjeva za dostavu ponuda broj: 01-90-JN-2/23 od 01.06.2023. godine, objavljenom na Portalu javnih nabavki „E-nabavke“ broj: 795-7-1-50-3-78/23 od 04.07.2023. godine, u Službenom glasniku BiH broj: 47/23 od 07.07.2023. godine i web stranici Univerziteta.

U ostavljenom roku ponudu su blagovremeno dostavila dva ponuđača: „TEP-LIGHT“ d.o.o. Tuzla i „TELIX“ d.o.o. Tuzla.

Komisija za provođenje postupka javne nabavke pregledom pristiglih ponuda konstatovala sljedeće: Ponuđeni klima uređaj – Inverter TIP 1 od strane ponuđača „TEP-LIGHT“ d.o.o. Tuzla ne zadovoljava minimalne karakteristike u električnoj snazi pri hlađenju i električnoj snazi pri grijanju. Tačnije, minimalno zahtijevana el. snaga pri hlađenju je Max 1633 W a ponuđač navodi 1540 W, zatim minimalno zahtijevana el.snaga pri grijanju je Max 1750 W a ponuđač navodi 1550 W iz čega proizilazi da ponuđeni Inverter TIP 1 ne zadovoljava zahtijevane minimalne karakteristike te je ponuda ponuđača „TEP-LIGHT“ d.o.o. Tuzla obzirom da nije u skladu sa tenderskom dokumentacijom ocijenjena kao nepravilna.

Ponuđač „TELIX“ d.o.o. Tuzla u sastavu ponude nije dostavio Izmjenjeni Obrazac za cijenu ponude. Tačnije, ugovorni organ je nakon postavljenog pitanja zainteresiranog ponuđača izvršio ispravku Obrazca za cijenu ponude i isti objavio 07.07.2023. godine na Portalu E-nabavke tj. učinio ga dostupnim za sve zainteresirane ponuđače. Ponuđač „TELIX“ d.o.o. Tuzla izmjenjeni Obrazac za cijenu ponude nije preuzeo, samim tim nije dostavio svoju ponudu na izmjenjenom Obrascu za cijenu ponude, a na priloženom Obrascu za cijenu ponude u koloni 4. za svaku stavku minimalnih tehničkih karakteristika (kolona 4.) navodi DA bez navođenja tehničkih karakteristika.

Zbog navedenog ponuda ponuđača „TELIX“ d.o.o. Tuzla je ocijenjena kao nepravilna.


Zbog svega navedenog Komisija je dala preporuku Direktor za ekonomske poslove Univerziteta u Tuzli da predmetni postupak javne nabavke poništi u skladu sa odredbom člana 69. stav (2) tačka d) Zakona o javnim nabavkama BiH iz razloga što nijedna od primljenih ponuda nije prihvatljiva.

Cijeneći izneseno Direktor za ekonomske poslove je prihvatio preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana od dana njenog prijema, na adresu dr. Tihomila Markovića br.1, 75 000 Tuzla.

Prilog: Zapisnik o pregledu i ocjeni ponuda broj:  
01-90-JN-7/23 od 21.08.2023. godine

DOSTAVITI:  
1x učesnicima  
1x a/a



DIREKTOR ZA  
EKONOMSKE POSLOVE

*Tihomil Matović*  
Tihomil Matović, dipl. oec.